



Tuttunniarnissamut Umimmanniarnissamullu piffissaliussat pisassiissutillu. Aasaanerani aamma Ukiaanerani 2024.

Tuttunniarnissamut umimmanniarnissamullu piffissaliussat pisassiissutillu – Aasaanerani aamma Ukiaanerani 2024.

9. juli 2024
Sagsnr. 2024-8094
Dok. Nr. 92971953

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.nanoq.gl

Matumuuna aasaanerani ukiaanerani 2024-mi piffissaliussat piniarfiusussat, tututassiissutissat kiisalu umimmattassiissutissat aalajangerneqartut nalunaarutigineqarput. Tuttunik aamma umimmannik ukiup qanoq ilinera najoqqutaralugu piniarnikkut pitsaanerpaamik atorluannissaq APN-miit pingaartinneqarpoq. Taamaammat neqit, ammit, qiviut allallu pitsaanerpaamik atorluannissaat pillugu tutut sapinngisamik aasaanerani ukiaanerani piniarneqartarnissaat umimmaallu aasaanerani, ukiaanerani kiisalu ukiuunerani piniarneqartarnissaat anguniarneqartarpoq.

Pinngortitaleriffiup Qeqqata Kommuniani aqutsiveqarfanni Maniitsoq-mi aamma Sisimiut-ni 2018-imi qulimiguulimmik tutunik aamma umimmannik kisitsineq ingerlappaa. Taamatuttaaq 2019-mi Piniarfik 3-mi (Aki-Maniitsoq) aamma Piniarfik 4-mi (Ameralik) qulimiguulimmik tutunik kisitsinerit ingerlannikuuvai. Kisitsinerit tunngavigalugit Pinngortitaleriffik 2020-mi siunnersuinerimik saqqummiussaqaarpoq, tassani ilaatigut tutunniarnissamut piffissaliussap piniarfanni pineqartuni pingasuni sivitsorneqarnissaa oqariatuutigineqarpoq.

Pinngortitaleriffik 2024-p aallartissimalaanerani Qeqqata Kommuniani aqutsiveqarfanni Maniitsoq-mi aamma Sisimiut-ni qulimiguulimmik tutunik aamma umimmannik kisitsernermik ingerlataqaqqippooq. Kisitsinerup takutippaa Maniitsup aqutsiveqarfiani umimmaat angutivissat arnavissallu inersimasut amerlasuusut, kisianni norraat ataatsimut isigalugu amerlavallaanngitsut. Taamaammat kulavaat norrallit piniarneqartanninnissaat ingerlateqqiinnarneqarpoq. Maniitsup aqutsiveqarfiani umimmaat amerlassusaat 2018-imut sanilliullugu allannguuteqarpiannikkaluarpoq. Sisimiut aqutsiveqarfiani umimmaat suaassutsimikkut utoqqaassutsimikkullu inissisimanerat pissusissamitut ippoq, tassanimi imatut sakkortutigisumik piniarneqartarsimangimmata.

Ivittuuni umimmannik minnerpaaffiliinerimik kisitsineq aprili-mi 2024-mi ingerlanneqartoq aamma Paamiunut umimmannik nuussisoqarnissaa pillugu pilersaarutit tunngavigalugit Naalakkersuisoq piniarfimmi tassani umimmattassanik aalajangiivoq.

Tuttut

1. Piniarfik 2, 3 aamma 4: Inuussutissarsiutigalugu tutunniarneq 1. agusti-mi aallartissaaq 31. decembari ilanngullugu ingerlassalluni. Sunngiffimmi tutunniarneq 1. agusti-mi aallartissaaq 31. oktobari ilanngullugu ingerlassalluni. Kulavaat norrallit taamaallaat Piniarfik 3-mi aamma Piniarfik 4-mi piniaqusaapput.
2. Piniarfik 1, 5, 6, 7, 8 aamma 11: Inuussutissarsiutigalugu tutunniarneq 1. agusti-mi aallartissaaq 15. oktobari ilanngullugu ingerlassalluni. Sunngiffimmi tutunniarneq 1. agusti-mi aallartissaaq 30. septembari ilanngullugu ingerlassalluni. Kulavaat norrallit piniaqusaanngillat.
3. Piniarfik 9 aamma 10 (Kangerluarsorujuk, Nuna Prudhoe aamma Nuna Inglefield): Inuussutissarsiutigalugu aamma sunngiffimmi tutunniarneq 1. agusti-mi

aallartissaaq 31. decembari ilanngullugu ingerlassalluni. Kulavaat norrallit piniaqqusaanngillat.

4. Piniarfiit tamarmik: Tuttut angutivissat oktobarimi nuliunerup nalaani tippassinnaasut tuttunniarnermi ileqqorissaarnissaq pillugu oktobari naallugu piniaqqusaanngillat.

Tungavilersuutit: Piniarfinni arlalinni tuttut angutivissat tippalernikut pisarineqartut qimaannarneqartartunik arlalissuarnik naammattuisoqartarnera pillugu piniartut ilisimasaat malillugu tuttut angutivissat tippassinnaasut oktobari naallugu nuliunerup nalaani piniaqqusaannginnissaat aalajangerneqarpoq.

Ilisimatitsissut: Tuttunniarnermiit akuersissutit pisanik nalunaarummi immersornikut kommunini sullissivinnut utertinneqartartut ikippallaarujussuarput, naak nalunaaruteqartussaataaneq inatsisitigut piumasaqaataagaluartoq. Taamatut inissimasoqarnera naammaginangilluinnarpoq tamannalu pillugu tuttoqatigiit piniarfinni qanoq sakkortutigisumik piniarneqartarnerat qanorlu innerat APN-imut Pinngortitaleriffimmullu nalileruminaappoq. Pisanik nalunaaruteqarnissaq inatsisitigut qulaani taaneqartutuut piumasaqaataammat pisanik nalunaaruteqartanngitsunut kinguneqartitsisinaaneq pillugu APN-imi piffissami qanittumi nalunaarutininik sukaterinissaq sulissutigineqartoq matumuuna nalunaarutigineqarpoq.

Erseqqissaatit: Erseqqissaatigineqarpoq kommunimiit tuttunniarnissamut akuersissutit piniarfikkaartumik ataasiakkaarlugit tunniunneqartassasut, tamannalu inuussutissarsiutigalugu (akuersissummut tuttut qulit) aamma sunngiffimmi piniartunut (akuersissummut tuttut tallimat). Akuersissummik nutaamik qinnuteqaqqittoqartinnagu sapinngisamik piasisimasanut nalunaarut utertinneqassaaq. APN-ip kommunit qanimut suleqatigalugit akuersissutinik tunniussisarneq utertitsisarnerlu malinnaaffigivaa.

Erseqqissaatigineqarpoq qamuteralaat, ATV-t kiisalu qamutit motorinik ingerlatillit allat tuttunik malersuinermi piniarnermilu atornissaat inerteqqutaammat.

Umimmaat

5. Aqutsiveqarfik Maniitsoq: Piniarfik 1-mi, 2-mi, 3-mi aamma 4-mi inuussutissarsiutigalugu aamma sunngiffimmi umimmanniarneq 1. agusti-mi aallartissaaq 15. oktobari ilanngullugu ingerlassalluni. A) Inuussutissarsiutigalugu aamma sunngiffimmi piniartunut Qeqqata Kommunianeersunut pisassat killeqanngillat (akuersissut ataaseq umimmannik 5-raassutaasinnaassalluni). B) Inuussutissarsiutigalugu aamma sunngiffimmi piniartunut kommuniniit allaneersunut pisassat ataatsimut katillugit 300-pput. Akuersissut amerlanerpaamik pingasoraassutaasinnaassaaq. C) Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
6. Aqutsiveqarfik Sisimiut: Inuussutissarsiutigalugu aamma sunngiffimmi killilimmik umimmanniarneq 1. agusti-mi aallartissaaq 15. oktobari ilanngullugu ingerlassalluni umimmattassiissutillu 400-pput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
7. Umimmaqarfik Naternaq: Inuussutissarsiutigalugu aamma sunngiffimmi umimmanniarneq 1. agusti-mi aallartissaaq 15. oktobari ilanngullugu ingerlassalluni umimmattassiissutillu 120-pput. Ussuit Nunaat, Ipiutaarsuup Nunaa aamma Eqalummiut Nunaat aqutsineq eqqarsaatigalugu umimmaqarfimmut Naternamut

ilanngunneqarnikuupput. Tiggaat tammajuitsussanik piniartitsinermi piniagassat kulavaallu norrallit piniaqqusaanngillat.

8. Aqutsiveqarfik Qaanaaq: Piniarfimmi Kap Atholl-mi inuussutissarsiutigalugu sunngiffimilu umimmanniarnissamut umimmattassiissutit 60-iunissaat aalajangerneqarpoq. Piniarfimmi Nuna Inglefield aamma Nuna Prudhoe-mi inuussutissarsiutigalugu sunngiffimilu umimmanniarnissamut umimmattassiissutit allannguuteqaratik 60-iunissaat aalajangerneqarpoq. Piffissaliussami 1. aggusti-miit 31. decembari ilanngullugu piniarneqarsinnaapput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
9. Aqutsiveqarfik Ivittuut: Inuussutissarsiutigalugu aamma sunngiffimmi piniarnissamut umimmattassiissutit minnerpaaffiliinermik kisitsineq tunngavigalugu 30-iunissaat aalajangerneqarpoq, tamarmik 1-2-nik ukiullit, arnavissat 18-it angutivissallu 12-it. Piffissaliussami 1. aggustimiit 15. oktobari ilanngullugu piniarneqassapput.
10. Umimmaqarfik Nanortalik: Umimmaqarfimmi qulimiguulimmik kisitsineq tunngavigalugu umimmattassiissutit 3-nissaat aalajangerneqarpoq angutiviaq ataaseq arnavissallu marluk piffissami 1. aggusti-miit 15. oktobari ilanngullugu piniarneqarsinnaasut.
11. Aqutsiveqarfik Sigguk: Inuussutissarsiutigalugu aamma sunngiffimmi umimmanniarneq 1. aggusti-mi aallartissaaq 15. oktobari ilanngullugu ingerlassalluni. Umimmattassiissutit allannguuteqaratik 150-iupput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
12. Aqutsiveqarfik Ittoqqortoormiit: Inuussutissarsiutigalugu aamma sunngiffimmi umimmanniarneq 1. aggusti-mi aallartissaaq 15. oktobari ilanngullugu ingerlassaaq aammattaaq 25. novembari-miit 23. decembari ilanngullugu. Umimmattassiissutit piffissaliussanut taakkununga marlunnut allannguuteqaratik katillugit 115-iupput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
13. Umimmaat Nuup eqqaanut pisimasut eqqissisimatitaapput.

Tunngavilersuutit: Aqutsiveqarfimmi Maniitsumi umimmanniarnerup 1. aggusti-mi aallartinnissaa aalajangerneqarpoq, imm. 5 takuuk. Ieqqutoqqat malillugit umimmanniarnerup neqinillu panertulisarnerup APN-imiit pingaartinneqarnera tassani tunngaviuvoq. Umimmannik akornusiisarnerup pingaartumik ukiuunerani umimmanniarnerup assartuutinillu motorilinnik annertuumk atuinerup nalaani pisartup allatigut millisinneqarnissaa taamatullu aamma assartuutiniq motorilinnik umimmanniarnermi atueriaatsip allanngortinneqarnissaa qaammarsaanikkut sulissutigineqarpoq.

Umimmaat Ussuit Nunaanni, Ipiutaarsuup Nunaanni aamma Eqalummiut Nunaanni takuneqartartut Piniarfik Naternamut ilanngunneqarput pissutigalugu umimmaat taakku suli avannamut kimmullu ingerlaarsinnaanissaat Naternamilu umimmaqatigiinnut ilanngunnissaat APN-imiit pingaartinneqarmat, imm. 7 takuuk.

Qaanaap aqutsiveqarfiani Piniarfik Kap Atholl-mi inuussutissarsiutigalugu sunngiffimilu umimmattassat biologit nunaminertap neriniarfissatut killilimmik nammassinnaanera pillugu siunnersuinerat aamma umimmaat amerlisimanerat piniarfiullu avataanut siaruaassimanerat pillugu piniartut ilisimasaat tunngavigalugu 60-iunissaat aalajangerneqarpoq, imm. 8 takuuk.

Erseqqissaatit: Erseqqissaatigineqarpoq qamuteralaat, ATV-t aamma qamutit motorillit allat umimmannik malersuinermi piniarnermilu atornissaat inerteqqutaammat.

Nutaamillu ukioq mannamiit pisat digitalikkut nalunaarutigineqartarnissaat
eqqunniarneqarpoq. Tamanna pillugu immikkut allaatiginnittoqarumaarpoq
kingusinnerusukkut.

Piniarnermut allagartap 2024-mi maajip aallaqqaataa sioqqullugu akilereersimanissaa pillugu
piumasaqaat inuussutissarsiutigalugu aamma sunngiffimmi piniartunut tamanut atuuppoq.
Taamatut aamma sunngiffimmi piniarnermut akuersissutit inunnut ukiut kingulliit qulit iluanni
sivikinnerpaamik ataavartumillu ukiuni marlunni Kalaallit Nunaanni najugalittut inuit
nalunaarsorsimaffianut nalunaarneqarsimasunut taamaallaat tunniunneqarsinnaanerit
pillugu piumasaqaat atuuttoq.

Inatsisartut inatsisaat nr. 34, 13. juni 2023-meersumi § 13 malillugu § 13 piniakkanik
killilersukkanik inuussutissarsiutigalugu piniarnissamut aallaaniarnissamullu akuersissut
akuersissuteqarnerlu, inunnut 15-inik ukioqalereersunut inuussutissarsiutigalugulu
piniarnermut allagartamik pigisaqartunut qinnuteqarnerup kingorna tunniunneqarsinnaapput.
§ 14, imm. 1 innersuutigalugu piniakkanik killilersukkanik sunngiffimmi piniarsinnaanermut
aallaaniarsinnaanermullu akuersissut, qinnuteqarnerup kingorna inunnut 15-inik
ukioqalereersimasunut Kalaallit Nunaannilu aalajangersimasumik najugaqartunut, piffissarlu
qinnuteqarfik sioqqullugu ukiuni kingullerni marlunni Kalaallit Nunaanni ataannartumik
aalajangersimasumik najugaqareersimasunut tunniunneqarsinnaapput.

Meeraq aqqaneq-marlunnik ukioqalereersimasooq sulili 15-inik ukioqalersimangitsoq
piniarnermut aallaaniarnermullu peqataasinnaavoq piumasaqaatit tulliiniittut malillugit:


1) Meeraq aallaammik nassataqarsimappat aamma meeqqap igeriarnerani, meeqqap
angajoqqaavinit nakkutiginnittumilluunniit allaganngorlugu akuersissummik peqarnikkut,
meeqqap angajoqqaavisa, nakkutiginnittuata imaluunniit inuup 18-inik ukioqalereersimasup
meeraq 1 meterisut qanitsigalugu ilitsersussavaa.

2) Aallaasip sulloqqortussusia inatsimmi atuutsinneqartoq qaqugukkulluunniit
malinneqassaaq.

3) Inuk meeqqamik ilitsersuisuusoq, piniarnermut aallaaniarnermullu pineqartumut
akuersissummik atuuttumik peqassaaq.

Umasut meeqqamit pisarineqartut inummit piniarnerup nalaani meeqqamut ilitsersuisumit
pisatut nalunaarsorneqassapput.

Inussiarnersumik inuulluaqqusillunga



AC-Fuldmægtig Nuka Møller Lund

Aalisarnermut Piniarnermullu Naalakkersuisoqarfik

Tlf.: +299 34 53 45 aamma Mail: numl@nanoq.gl

Ilanngussaq 1: Piniarfinni ataasiakkaani piniarnissamut piffissaliussat pisassiissutillu.

Ilanngussaq 2: Kalaallit Nunaata kitaani tutunut Piniarfik 1-11.

Ilanngussaq 3: Kalaallit Nunaanni umimmaqatigiit.

Ilanngussaq 4: Maniitsup aqutsiveqarfiani umimmannut Piniarfik 1, 2, 3 aamma 4.

Ilanngussaq 5: Tutunut Piniarfik 11.

Ilanngussaq 6: Umimmaqarfik Naternaq.

Ilanngussaq 7: Ukiuni 2020-mi, 2021-mi aamma 2022-mi tuttutanik kisitsisit.

Ilanngussaq 8: Tuttut angutivissat pisarineqartut qimanneqartarnerat.

Ilanngussaq 1: Nunap immikkortuni piniarnissamut piffissaliussat pisassiissutillu

Tuttussagaanni umimmassagaannilu akuersissuteqarnissaq piumasarineqarpoq. Takussutissani ataaniittuni pisassiissutit agguarneri piniarnissamullu piffissat aqutsiveqarfinni ataasiakkaani qanoq inissisimanersut takuneqarsinnaapput.

Pisarineqartut PINIARNEQ-mi pisaqarnermi immersugassaq atorlugu imaluunniit www.sullissivik.gl aqutigalugu nalunaarutigineqartussaapput, immikkullu immersugassaq akuersissutip tunuaniittoq kommunemut utertinneqartussaalluni imaluunniit digitalikkut assingusumik nalunaarutigineqassalluni.

Tuttuttassiissutit piniarnissamullu piffissaliussat.

Aasaanerani aamma ukiaanerani 2024

(ungalusimasuni kisitsisit aasaanerani ukiaaneranilu 2023-mi pisassiissutaapput)

Kalaallit Nunaata Kitaa A - Qaanaap aqutsiveqarfia		
Tuttoqarfik	Pisassiissutit	Piniarnissamut piffissaliussat
Nuna Inglefield (Piniarfik 10)	86 (86)	Inuuss. aamma sunng. piniarneq: 1. aggusti - 31. decembari
Kangerluarsorujuk (Piniarfik 9) (tuttut nujuitsut nuutat)	Killeqanngillat	Inuuss. aamma sunng. piniarneq: 1. aggusti - 31. decembari
Nuna Prudhoe (Piniarfik 10)	86 (86)	Inuuss. aamma sunng. piniarneq: 1. aggusti - 31. decembari
Katillugit	172 (172)	
Avannaata Kommunia 1. Aggusti - 31. Decembarip iluani piniarnissamut piffissaliussamik piffissaliussanilluunniit aalajangiisinaavoq. Avannaata Kommuniata pisassiissutaasut aqutsiveqarfimmi inuussutissarsiorlugu sunngiffimmilu piniartunut agguassavai. Qamuteralaat ATV-llu tuttunik malersuineri piniarnermilu atornissaat <u>inerteqqutaavoq.</u>		

Kalaallit Nunaata Kitaa A – Pituffik		
Tuttoqarfik	Pisassiissutit	Piniarnissamut piffissaliussat
Kangerluarsorujuk (Piniarfik 9) (tuttut nujuitsut nuutat)	Killeqanngillat	Sunngiffimmi piniarneq: 1. aggusti - 31. decembari
Pituffimmi innuttaasut atuuttumik piniarnermik allagartallit tuttut nujuitsut Kangerluarsorujummut nuunneqarnikut piniarsinnaavaat. Qamuteralaat ATV-llu tuttunik malersuineri piniarnermilu atornissaat <u>inerteqqutaavoq.</u>		

Kalaallit Nunaata Kitaa B - Piniarfik Nuussuaq		
Aqutsiveqarfik	Pisassiissutit	Piniarnissamut piffissaliussat
Upernavik	44 (44)	Inuussutissarsiuutigalugu piniarneq: 1. aggusti – 15. oktobari Sunngiffimmi piniarneq: 1. aggusti - 30. septembari
Uummannaq	162 (162)	Inuussutissarsiuutigalugu piniarneq: 1. aggusti - 15. oktobari Sunngiffimmi piniarneq: 1. aggusti – 30. septembari
Ilulissat	180 (180)	Inuussutissarsiuutigalugu piniarneq: 1. aggusti - 15. oktobari Sunngiffimmi piniarneq: 1. aggusti - 30. septembari
Qeqertarsuaq	44 (44)	Inuussutissarsiuutigalugu piniarneq: 1. aggusti - 15. oktobari Sunngiffimmi piniarneq: 1. aggusti – 30. septembari
Qasigiannuguit	44 (44)	Inuussutissarsiuutigalugu piniarneq: 1. aggusti - 15. oktobari Sunngiffimmi piniarneq: 1. aggusti – 30. septembari
Katillugit	474 (474)	
Avannaata Kommuniata pisassiissutaasut inuussutissarsiuutigalugu sunngiffimmilu piniartunut aqutsiveqarfik Upernavimmeersunut, Uummannaameersunut aamma Ilulissaneersunut agguassavai. Kommune Qeqertallup pisassiissutaasut inuussutissarsiuutigalugu sunngiffimmilu piniartunut aqutsiveqarfik Qeqertarsuameersunut aamma Qasigiannuganeersunut agguassavai. Qamuteralaat ATV-llu tuttunik malersuineri piniarnermilu atornissaat <u>inerteqqutaavoq.</u>		

Kalaallit Nunaata Kitaa B – Piniarfik 1-7 aamma 11		
Nunap immikkoortua	Pisassiissutit	Piniarnissamut piffissaliussat
Naternaq (Piniarfik 1)	Killeqanngillat	Inuussutissarsiutigalugu piniarneq: 1. aggusti - 15. oktobari Sunngiffimmi piniarneq: 1. aggusti – 30. septembari
Sisimiut-Kangerlussuaq (Piniarfik 2)	Killeqanngillat	Inuussutissarsiutigalugu piniarneq: 1. aggusti – 31. decembari Sunngiffimmi piniarneq: 1. aggusti – 31. oktobari
Akia-Maniitsoq (Piniarfik 3)	Killeqanngillat	Inuussutissarsiutigalugu piniarneq: 1. aggusti - 31. decembari Sunngiffimmi piniarneq: 1. aggusti – 31. oktobari
Ameralik (Piniarfik 4)	Killeqanngillat	Inuussutissarsiutigalugu piniarneq: 1. aggusti - 31. decembari Sunngiffimmi piniarneq: 1. aggusti – 31. oktobari
Qeqertarsuatsiaat (Piniarfik 5)	Killeqanngillat	Inuussutissarsiutigalugu piniarneq: 1. aggusti – 15. oktobari Sunngiffimmi piniarneq: 1. aggusti – 30. septembari
Qassit aamma Neria (Piniarfik 6 aamma 7)	Killeqanngillat	Inuussutissarsiutigalugu piniarneq: 1. aggusti – 15. oktobari Sunngiffimmi piniarneq: 1. aggusti - 30. septembari
Piniarfik 11	Killeqanngillat	Inuussutissarsiutigalugu piniarneq: 1. aggusti – 15. oktobari Sunngiffimmi piniarneq: 1. aggusti - 30. septembari
Kommunit akuersissutinik inuussutissarsiutigalugu sunngiffimmilu piniartunut qinnuteqarnikkut tunniussissapput. Qamuteralaat ATV-llu tutunuk malersuinermi piniarnermilu atornissaat inerteqqutaavoq.		

Umimmattassiissutit piniarnissamullu piffissaliussat

Aasaanerani aamma ukiaanerani 2024

(ungalusimasuni kisitsisit aasaanerani ukiaaneranilu 2023-mi pisassiissutaapput)

Aqutsiveqarfik Qaanaaq		
Umimmaqarfik	Pisassiissutit	Piniarnissamut piffissaliussat
Nuna Inglefield aamma Nuna Prudhoe	60 (60)	Inuuss. aamma sunngiffimmi piniarneq: 1. aggusti - 31. decembari
Kangaarsuk (Kap Atholl)	60 (60)	Inuuss. aamma sunngiffimmi piniarneq: 1. aggusti - 31. decembari
Katillugit	120 (120)	
Avannaata Kommunia 1. Aggusti - 31. Decembari iluani piniarnissamut piffissaliussamik piffissaliusanillunniit aalajangiisinnaavoq. Avannaata Kommuniata pisassiissutaasut aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqqutaavoq.		

Siggummi umimmaqarfik		
Aqutsiveqarfik	Pisassiissutit	Piniarnissamut piffissaliussat
Uummannaq	75 (75)	Inuuss. aamma sunngiffimmi piniarneq: 1. aggusti - 15. oktobari
Upernavik	75 (75)	Inuuss. aamma sunngiffimmi piniarneq: 1. aggusti - 15. oktobari
Katillugit	150 (150)	
Avannaata Kommuniata pisassiissutaasut aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqqutaavoq.		

Umimmaqarfik Naternaq		
Aqutsiveqarfik	Pisassiissutit	Piniarnissamut piffissaliussat
Aasiaat	26 (26)	Inuuss. aamma sunngiffimmi piniarneq: 1. aggusti - 15. oktobari
Qasigiannguut	26 (26)	Inuuss. aamma sunngiffimmi piniarneq: 1. aggusti - 15. oktobari
Kangaatsiaq	26 (26)	Inuuss. aamma sunngiffimmi piniarneq: 1. aggusti - 15. oktobari
Ilulissat	21 (21)	Inuuss. aamma sunngiffimmi piniarneq: 1. aggusti - 15. oktobari
Qeqertarsuaq	21 (21)	Inuuss. aamma sunngiffimmi piniarneq: 1. aggusti - 15. oktobari
Katillugit	120 (120)	

Avannaata Kommuniata pisassiissutit inuussutissarsiutigalugu sunngiffimmi piniartunut aqutsiveqarfik Ilulissaneersunut agguaassavai. Kommune Qeqertaliup pisassiissutit aqutsiveqarfimmi sinnerini inuussutissarsiutigalugu sunngiffimmi piniartunut agguaassavai. Qamuteralaat ATV-llu umimmannik malersuinermi piniarnermilu atornissaat inerteqqutaavoq.

Umimmaqarfik Sisimiut		
Aqutsiveqarfik	Pisassiissutit	Piniarnissamut piffissaliussat
Sisimiut	Ukiaq: 300 (300)	Inuuss. sunngiffimmi piniarneq: 1. aggusti - 15. oktobari
Kangaatsiaq	Ukiaq: 100 (100)	Inuuss. sunngiffimmi piniarneq: 1. aggusti - 15. oktobari
Katillugit	Ukiaq: 400 (400)	

Qeqqata Kommuniata aamma Kommune Qeqertaliup pisassiissutit aqutsiveqarfimmi inuussutissarsiutigalugu sunngiffimmi piniartunut agguaassavai. Qamuteralaat ATV-llu umimmannik malersuinermi piniarnermilu atornissaat inerteqqutaavoq.

Aqutsiveqarfik Maniitsoq		
Aqutsiveqarfik	Pisassiissutit	Piniarnissamut piffissaliussat – Piniarfik 1
Maniitsoq aamma Sisimiut	Killeqanngillat	Inuuss. sunngiffimmi piniarneq: 1. aggusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 2
Maniitsoq aamma Sisimiut	Killeqanngillat	Inuuss. sunngiffimmi piniarneq: 1. aggusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 3
Maniitsoq aamma Sisimiut	Killeqanngillat	Inuuss. sunngiffimmi piniarneq: 1. aggusti - 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 4
Maniitsoq aamma Sisimiut	Killeqanngillat	Inuuss. sunngiffimmi piniarneq: 1. aggusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 1, 2, 3 aamma 4
Qeqqata kommuniata avataaneersut	300	Inuuss. Sunngiffimmi piniarneq: 1. aggusti – 15. oktobari


Kangerlussuup eqqaani nunaminertaq piniarfigeqqusaanngitsoq akuersissutini takuneqarsinnaavoq. Qamuteralaat ATV-llu umimmannik malersuinermi piniarnermilu atornissaat inerteqqutaavoq.

Umimmaqarfik Nanortalik		
Aqutsiveqarfik	Pisassiissutit	Piniarnissamut piffissaliussat
Nanortalik	3	Inuuss. piniarneq Nanortalik: 1. aggesti – 15. oktobari Sungg. piniarneq Nanortalik: 1. aggesti – 15. oktobari
Katillugit	3	
Kommune Kujallup pisassiissutit Nanortalimmi inuussutissarsiutigalugu sunngiffimmilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat <u>inerteqqutaavog.</u>		


Aqutsiveqarfik Ivittuut		
Aqutsiveqarfik	Pisassiissutit	Piniarnissamut piffissaliussat
Ivittuut	30 (50)	Inuuss. piniarneq Arsuk: 1. aggesti – 15. oktobari Sungg. piniarneq Arsuk: 1. aggesti – 15. oktobari
Katillugit	30 (50)	
Arsummi Kommuneqarfik Sermersuup pisassiissutit Arsummi inuussutissarsiutigalugu sunngiffimmilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat <u>inerteqqutaavog.</u>		

Ittoqqortoormiuni umimmaqarfik		
Umimmaqarfik	Pisassiissutit	Piniarnissamut piffissaliussat
Scoresbysundip Kangerluani, Jameson-ip aamma Liverpool-ip nunaanni	115 (115)	Inuuss. sunngiffimmilu piniarneq: 1. aggesti - 15. oktobari Inuuss. sunngiffimmilu piniarneq: 25. novembari – 23. decembari
Ittoqqortoormiini Kommuneqarfik Sermersuup pisassiissutit Ittoqqortoormiini inuussutissarsiutigalugu sunngiffimmilu piniartunut agguassavai. Qamuteralaat ATV-llu pisanik assartuinermit atornissaat pillugu Kommuneqarfik Sermersuummut qinnuteqartoqassaaq. Qamuteralaat ATV-llu umimmannik malersuinermi piniarnermilu atornissaat <u>inerteqqutaavog.</u>		


Ilannugsaq 2: Kalaallit Nunaata Kitaani tutunuk Piniarfik 1-11




Ilannugsaq 3: Kalaallit Nunaanni umimmaqatigiit




Ilannugsaq 4: Maniitsup aqutsiveqarfiani umimmannik Piniarfik 1, 2, 3 aamma 4



Ilannugsaq 5: Tuttunut Piniarfik 11.



Ilanngussaq 6: Umimmaqarfik Naternaq Ussuit Nunaat, Ipiutaarsuup Nunaa aamma Eqalummiut Nunaat ilanngullugit.



Ilanngussaq 7: Ukiuni 2020-mi, 2021-mi aamma 2022-mi tuttutanik kisitsisit.

Tuttut 2020	Aggusti	Septembari	Oktobari	Novembari	Decembari
Nuuk	1.300	1.725	283	126	345
Maniitsoq	662	706	205	10	4
Sisimiut	860	1.164	232	141	105

Tuttut 2021	Aggusti	Septembari	Oktobari	Novembari	Decembari
Nuuk	1.059	1.270	349	204	241
Maniitsoq	486	460	224	88	80
Sisimiut	430	606	408	166	168

Tuttut 2022	Aggusti	Septembari	Oktobari	Novembari	Decembari
Nuuk	1.284	1.432			
Maniitsoq	652	527			
Sisimiut	940	1.132			

Tuttutanik kisitsisit malillugit 2020-mi piniarnissamut piffissaliussamik sivitsuiffiusumi aappasaani Piniarfik 2-mi, Piniarfik 3-mi aamma Piniarfik 4-mi ukiup naalernerani qaammatini kingullerni tuttunik pisaqartoqartalerpoq. Tuttutanik kisitsisit 2022-mi oktobarimiit, novembarimiit aamma decembarimiit PINIARNEQ 2023-mi pisanik immersuiffissamik aatsaat nalunaarutigineqarput.

Ilanngussaq 8: Tuttut angutivissat oktobarimi pisarineqartut qimaannarneqartarnerat.



APN tuttut angutivissat oktobarimi tippassinnaasut nuliunerup nalaani pisarineqartut qimaannarneqartullu pillugit saaffiginnissutinik arlalinnik tigusaqarnikuuvoq. Tamannalu akuerineqarsinnaanngilaq nalunaarummi malittarisassat unioqqutinneqarput.